

聯原將統兵則令肅撼山而臂指之機常貫所請三都司除龔彰已經陞授外餘俟春防後效有成勞另具題覆蓋習兵兼可以習將重地遂因以重官也所請太僕寺見牧馬一萬匹逐寇追奔殊不容少但同寺以備京營各邊缺額一鎮未能給萬匹之多且聞先年督臣楊博之議曰薊鎮以守爲主應步多于馬如一營三千人止用馬五百其分棊各兵多不給馬非獨爲各邊計馬并爲戶部計芻

也今臣部見移文太僕寺酌量議給以補各營之缺餘俟撫臣查照舊額再算新營另行酌發而臣又謂古騎之馬豫歲給之秣芻使馬無道疲無瘦死所裨馬政更多耳兵馬屯劄須先要害據稱喜峰口墳山之陽有田家營者其高可以俯瞰其下可以馳突誠必守之地也據吾之地利須增吾之藩垣于喜峯關外建羅城一座使貢夷不與居民逼處而吾復以軍聲震疊之卽其地爲教塲聽總兵

王威撥三千人常川操演于以彈壓款虜控制狡奴兩有當也春初起工容臣部量撥班軍應役然要害不獨喜峰一口所爲因地設防如剷削偏坡深握壕塹者皆班軍事則皆路將事也三協將領臣部未嘗不加意選任然部中叙俸薦之相及而邊關欲入地之相宜豈俸薦盡與人地相左乎巖關借材臣部無敢拘執以後部推各官試之罔效聽撫按不時糾叅其經該撫咨推者亦應稍循俸薦使臣部得以受成其人與地宜自應責之久任蓋兵馬以久練而後閑地利夷情亦以久諳而後熟則何敢屢進屢進使怯思卸肩躁思速化乎應知所議以重官方以嚴邊政著爲例可也以上數款俱關臣部合行酌覆以請所需甲仗銃砲硝黃車輛等物應聽工部題發以急春防庶夷情自帖于軍威天險益深于將略防款俱宜安攘並效矣等因天啓四年正月初六日太子太保本部尚書趙

等具題初九日奉

聖旨俱依議行欽此欽遵擬合就行爲此合咨前  
去煩照本部覆奉

明旨內事理一體欽遵查照施行

天啓四年正月十三日

徐徵子集

奏疏卷之四

恭報樽省各項銀兩疏

捐俸助餉疏

六懇罷歸疏

恭報擒獲妖首疏

七懇天恩立放病臣疏

護解妖首到京疏

八懇生還疏

循例恭報收支錢糧疏

敬報修葺臺垣成造軍需疏

繳 勅疏

恭報摺省各項銀兩疏

時事多艱急公素切謹報摺貯各項銀兩上  
塵

睿覽事竊惟四郊多壘臣子之恥糜軍蠹帑彊事  
病焉臣所爲經年拮据簡兵核餉爲固圉設  
防計者日如宋臣蘇軾所云母敢輕其毫釐  
而積之自履任以來節次汰核所調通昌各  
營官兵分防諸隘者開除未補共二千六百  
餘員名計一歲約省餉銀四萬一千餘兩業

已具疏入

告外此而三協撫賞數有不敷會同督關二臣題  
允部發通行各道委官徑自赴部領回分給賞用  
卽有停賞如明暗火落赤諸部未給節縮非  
臣能定也營路官軍月餉鹽菜銀兩各造單  
冊掛號于該道支發于餉司臣嚴行按核占  
昂月有節曠繳還餉司爲備閏之需餉司自  
應報部節縮非臣能專也而遵化新設宣武  
營在臣駐足之地臣欲親爲簡肄使步伐稱

嫻分發喜董潘諸口責成旗鼓守備龔彰缺  
額者實報實補不堪者時革時易有造糧在  
先而汰逃在後者俱逐名扣存自八月起至  
閏十月計五閱月共節曠銀一千二百六十  
九兩二錢四分四釐見貯在遵化縣庫別有  
中協擦唎子關革任守備汪育民向因撫賞  
不敷將軍士空糧百名抵用該臣督令新任  
守備柳榮查理空缺招壯丁以實其伍清出  
八月分已支未用糧布銀一百一十九兩具

報到臣臣卽行遵化道于其中動支五兩給  
賞柳榮以獎其廉而餘銀一百一十四兩亦  
見貯遵化縣庫又有通州陞任道臣盧維屏  
自天啟二年十二月至三年九月終所轄各  
營春夏二季缺汰官員廩薪銀一百五十九  
兩七分銅錢一千七百八十八文解還戶部  
秋季缺官廩薪銀一十兩六錢六分一釐六  
毫交還坐糧廳又春夏秋三季節曠銀六千  
一百九十四兩四錢五分六釐八毫二絲二

忽近奉戶部明文于內動銀一千二百兩充  
該鎮道操賞之用今該鎮各兵漸減約六百  
兩而已足餘銀五千五百九十四兩四錢五  
分六釐八毫二絲二忽各交還坐糧廳又該  
臣會行該鎮道于通州中左右三營汰二等  
兵二百四十八名自閏十月起每月約省銅  
銀一百九十八兩四錢米一百四十八石八  
斗見存倉庫通州先存浙兵清查出節曠銀  
九十三兩六錢一分八釐一毫道臣盧維屏

于五月內因浙兵奉調東行動支銀四十四兩四錢九分八釐置辦牛酒賞犒外尚存銀四十九兩一錢二分七釐三毫見貯通州庫又該帶管通州道事密雲道臣葉震生汰革通州道內丁千總一員老稚家丁一百五十名并逃故百總家丁四十三名俱不召補計日扣還慶新月餉銀九十五兩二錢二分四釐米二十四石九斗四升存留倉庫又昌通各兵先日文領安家銀兩俱兵部爲政調防

後逃亡扣存不行嚴核將隨手乾沒矣而臣一切嚴刷之在潘永勝兵八百一十餘名固銀已發而駐防未定尚未全領者每名扣存二兩共銀一千六百二十兩見貯在兵部庫在黃調煥兵二千一百二十二名固銀已領而駐防改近止應半支者每名扣存二兩共銀四千二百四十四兩據薊州道報稱本官當兌折銀八十四兩又製造旗幟響器銀三十兩實在銀四千一百三十兩見貯在薊



州庫又原領昌平餉司鹽菜銀四百五十二兩六分除兌折銀二十三兩一錢實銀四百二十八兩九錢六分因其已給行糧而鹽菜宜省隨于領到薊州餉司月糧銀內扣還四百二十八兩九錢六分亦見貯在薊州庫總計摺省過月餉安家鹽菜等銀共一萬三千六百六十九兩一錢四分三釐零各取實數在案臣無敢以毫釐屑越焉者伏乞

勅下戶部一一查覈如數將遵化宣武營節曠銀

照遵化道所議留爲該營製買甲仗馬匹之費俟十一月後有扣存者俱交還餉司擦哩子關清出糧布銀兩留爲該關正項支銷通州各營節曠并裁汰廩薪月餉銀米交還坐糧廳及扣存倉庫者鈔寫明白通州浙兵節曠銀亦宜交還坐糧廳一併報部以俟正支各營原扣安家鹽菜銀俱貯各庫除潘永勝兵見任深河近已派防東協衝口或應全給外其餘各發該營製造甲仗完日造冊報查

以上汰核所省之虛數每歲該銀四萬一千  
有奇而搏貯所有之實數匝歲共一萬二千  
有奇皆微臣一年內所爲簡兵核餉仰佐司  
農之急者也敢據實分析上

聞祈于錢糧一清緩急有備云爾謹題請  
旨

天啟三年十二月十二日具題

捐俸助餉疏

謹揭閱俸少助兵餉事臣屢控

聖明祈

恩早放迄未

矜許臣念東夷狡謀未戢西虜狂挾時聞義不敢  
臨危卸擔而一身旣已詬病四體何繇展布  
勢不能忝列覲顏除另疏具控恭候

允放速簡才賢以稱任使外則今日以前所歷餐  
錢之數皆微臣所得以爲敬事之食者也然

時方多事食不下咽豈以危起居而不少信  
其志一佐司農之急乎雖涓滴罔裨于滄海  
而稊米亦稍益于太倉時未歷則不敢以待  
罪之俸爲急公之需時已歷則雖月日無幾  
亦軍興銖銹之藉也伏乞

勅下戶部將臣應領俸銀自天啟二年十二月初  
五日起至三年十二月終止連閏凡一歲零  
一箇月二十五日照數扣存以濟軍餉庶餐  
素無漸而葵赤少效矣謹題請

旨

天啟三年十二月十二日具題

大清高宗純皇帝

六懇罷歸疏

危疆萬難勝任弱骨六懇罷歸謹控微臣積  
病之因乞

恩速賜

允放免褻

王言以全臣節事臣先經人言兼因陡病五疏祈  
恩允放荷蒙

聖明屢頒

嚴旨諭臣視事臣復以危疆病體義難就列具疏

臺灣國家圖書館 NATIONAL CENTRAL LIBRARY, TAIWAN, R.O.C.

仰控于天啟三年十二月初六日准吏部移  
咨到臣奉

聖旨邊情正急岳和聲練兵設防既有次第已有  
旨着安心展布不得杜門誤事該部知道欽此  
蓋因奴酋買路與狼素挾賞東夷西虜一時  
騰報上塵

聖慮誤以微臣猶足支柱危疆也而微臣亦以邊  
報果危而急于引退議臣者又將以爲臨危  
卸担矣故去志雖決猶力疾詣邊分防飭備

歸而條列九事以仰副

陛下督責之嚴卽以

商賈速代

免放微臣爲

請隨于十二月十三日復蒙

聖旨這條畫防禦諸務着該部卽酌議履行邊事  
緊要岳和聲着遵屢旨盡心料理但以安邊爲  
功不得因人言疑阻以致悞事該部知道欽此  
臣伏自念以今衆正盈朝背項相望薊門安

攘之寄不少勝任者何藉微臣而上塵

聖恩不督臣以罪且勉臣以功更以不得疑阻曲體微臣憂讒畏訛之苦懷而

命之展布督以誤事

天語游陛下情增廩臣卽一息尚存一日未去而西虜愆

貢東夷狡謀皆臣奮竭犬馬之力以自附閱躬恤後之誼者乃浹月以來狼素已率三十六家來補額

貢矣毛乞炭及乞炭亥與召駮諸部相繼乞賞矣小獐與卜荅二酋同欵矣惟餘明酋未就戎索耳三協諸虜漸次帖伏則西虜賣路之計可剪而東夷買路之謀易伐奴酋十二月已盡而不過河轉眼冰泮烽烟且息此時臣病固當去臣不病亦當去以去而早自全其鄉黨自好之素也而不諒臣者疑臣去志未決明譏不足又復暗刺甚至相臨有素者亦輒調更圖督府之崇秩而御史龐尚廉則

突加之以排擠善良巧獵總督夫臣自閏月  
聞言杜門省過不暇且身受人吹索而何能  
排擠人且所排擠者又復何人至于巧獵之  
說益不得其解矣倘調督師閣臣孫  
併經督之疏將欲用臣則閣臣危身體  
裁

國悉慮籌邊豈欲爲微臣梯榮地而督府一缺  
經月詳擇尚無應者以臣橫被彈射輒欲濡  
足稍有知識念不到此彼兢兢者方不欲臣  
訖此蕭撫之任肯容臣受此非望之秩乎猥

以相加當亦自知其不情徒慮臣去志之不  
決耳不知臣志固早決而臣病亦不得不決  
矣臣自朔月衝寒冒雪單騎出塞腠理久虛  
冷凍人骨寒極而熱痰喘上壅左手左足時  
復麻木時腹劇痛日夕展轉若不能支因兵  
部

題覆津通密鎮分防兵馬刻期調集又因狼素  
煖太諸部夷人前後進關入館勢不敢偃息  
署中致有疎虞臣猶勉強視事移會鎮臣王

威將調到各兵酌地分信預畫防剿機宜分  
檄道臣張樸等將

貢夷郵遞按期給犒嚴防峻擾諸弊復二旬有  
餘以致病勢日深藥餌罔效頃該天啟四年  
正月初一日微臣五鼓出署恭率合鎮文武  
將吏拜賀

陛下萬年之慶于公所歸而委頓益復不支飲食  
不入口者累日延醫劉爾科診視謂五臟成  
鬱四肢不仁非假以歲月斷難痊可臣于是

惘乎有性命之憂大臣之性命不足憂而耽  
延日時不早令賢者一意安攘以誤

陛下之封疆深可憂也伏乞

聖明立賜  
免放

簡賢來代弗復久留病臣令咎病臣者謂祇褻

王言無益邊事臣當移駐薊州力疾口授胥史具  
奏任內經發錢糧所造器仗及見獲逃犯三事  
刻日交代俾臣早得南歸以就醫藥無致瀕



危道路庶

三朝養育之

恩感生還于罔極而臣子進退之節凜廉耻之猶存矣臣不勝扶病待

命之至謹具奏

聞伏候

勅旨

天啟四年正月初七日具奏奉

聖旨封疆重寄岳和聲任事奏功人言不必介意

着照舊供職該部知道

臺灣國家圖書館, NATIONAL CENTRAL LIBRARY, TAIWAN, R.O.C.

正眷與舊共鄰結暗吠

恭報擒獲妖首疏

恭報遣妖巨欸詞連六省擒獲一朝乞

勅省直撫按有司沿途護解至

京獻俘併究窩遁罪弁永消禍本奉慰

聖懷事臣先備兵永平于邸報中見天啟二年八

月十七日保定巡撫張鳳翔題為官兵同心

奮力妖賊一鼓蕩平等事內開據井陘道中

軍曹鳴謙報稱統領快壯活擒妖賊并獲三

王等因又見本月十九日該撫題為妖黨逐

時添聚我兵伍日齊集等事內開據妖賊魏子徵等審供

京東石門鎮人大傅頭王森之第三子王三深州小呂義村人李白山饒陽縣人周印號三王等因臣隨詢永平知府藥濟衆知其先經保定撫臣移札前撫臣李瑾因石門地方疑爲山石道所屬行道臣袁崇煥并藥濟衆密查報爲王好賢患病在家以此牌札不及於臣而疏言并獲三王遂有王三就擒景州之

說維時灤州地方又無告發左道情形故遣世職千戶孫繼先往察動靜好賢已挈妻妾男婦家丁于二十一日逃訖隨于二十五日奉督臣批案二十七日奉前撫臣憲牌行道及府嚴緝又見九月十六日保定撫臣題爲恭報擒獲妖首等事內開據妖首于弘志供稱陣獲斬首沈汭號沈三王見獲僞太師周印傳徒分爲五會會各數千人每四季歛錢解赴周印處轉解灤州石佛口稱彌勒佛王

好賢聽其支用稱王三爺爲佛主審得周印  
供稱營生賣布往來

京師永平之間時有在

京安保者稱無爲教主印投門下稱大傳徒而  
保係灤州石佛口王森之高弟王森獄斃祖  
森之子森有二子長曰好禮次曰好義皆無  
聞唯三曰好賢卽今南北所稱彌勒佛者著  
名更甚等因臣始駭王好賢久爲保鎮妖犯  
所尊崇如此也至本年十二月內前撫臣李

瑾陞任將妖黨相繼撲滅餘孽畏罪遠逃緣  
由具

題部覆奉

旨備咨嚴拿臣于時叨轉薊撫卽通行所屬薊州  
等八道四散嚴拿并屢次催比去後至天啟  
三年十月十七日順天巡按彭鯤化妖賊敘  
功一疏內稱妖寇之興也始自王森森原救  
一狐妖狐令斷尾藏之招人令人聞異香皆  
願歸附稱爲聞香教主遠近響應俄而森死

森有三子遺貲鉅萬好賢獨據之購募邊塞  
勇敢之士其爲反謀益急而畿南傳頭爲于  
弘志山東傳頭爲徐鴻儒其他未發者姓名  
多不得聞好賢密約以天啟二年八月之望  
十方同起鴻儒等以他事相激先期起發等  
因又云當弘志稱亂而未遽東也待好賢耳  
弘志焉知有津師之至而好賢亦焉知有弘  
志之敗哉至鴻儒就擒語人曰吾與王氏父  
子經營天下二十餘年按籍而數吾法門弟  
子且逾二百萬更遲數日吾橫行宇內誰敢  
櫻吾鋒者景州一敗衄而好賢竄逸天下豪  
傑遂寂無一應等語臣又駭王好賢爲景州  
妖犯所呵護如此也至本年閏十月初五日  
見浙江道御史袁化中題爲蕩平妖賊之功  
當敘而指摘及臣奉

聖旨巡撫封疆重任不得以一事追求王好賢還  
着嚴緝務獲該部知道欽此欽遵而陝西巡按  
劉廷宣會同巡撫孫君相亦有蜀妖詞連關

陝之疏矣內據渭南縣申稱審據妖犯周志  
德供稱有北直隸先未故王祖師傅與志德  
等天書一卷又據葭州人許應龍供稱同父  
許大國善友李天祿史天左年年在三屯營  
應軍因投直隸永平府石佛口地方先在今  
逝大會首王三爲師李天福等同一切善友  
俱拜王三爲老師傳又約同會友湊銀三十  
兩于萬曆四十八年間差賀仲祿將前銀送  
與王三做好事王三以應龍教法廣行升爲

會頭送與見獲木雕關防一顆篆刻葭州知  
州許關防記八字天啟二年九月內許大國  
往永平投拜大師傅王三二十四日行至沙  
河舖遇見李天祿自永平來稱王師傅事發  
俱往西來你先回家預備迎接王三至十月  
初九日晚到應龍家歇宿次早起發王三等  
往天福家潛任李天福見葭州事發將會中  
存積銀與王三送盤纏二十兩往南腹裏潛  
逝等情臣又駭王好賢爲隴蜀妖犯所勾連

何不旬日而迺遁往來如此之遠且速也乃臣經年搜緝已遍得其踪跡於窩遁諸奸矣查得王好賢實於前歲九月初一日同妻子家丁迺至遵化標下旗牌官馬之陞父遵化部商馬應泗家轉遁營州右屯衛指揮閔福壽家各窩住數日又行轉遁隨該臣牌行遵化薊州永平三道及薊州知州管餉廳推官遵化縣知縣各嚴提各犯歷來縱迺轉遁犯官閔福壽犯商馬應泗及旗牌官馬之陞于戶孫繼先好賢惡僕楊自成等嚴行究審各供稱自薊州閔福壽家轉遁王好賢妻孥於京師河沿頭馬應泗嫖妓幽蘭家好賢隻身藏匿於勢豪密宅內容留數時而轉遁于山東南去等因隨將閔福壽等羈候復嚴行薊遵永三道并薊州遵化等州縣各選差番快賫臣檄文分投前赴山東南直等處多方挨緝至十二月十五日據薊州道臣劉復初稟稱妖犯王好賢子王如綸及妻安氏媳闕氏已

經差役于臨清拿住并殺人人家丁共二十一  
名口收監訖王好賢改名陳王前在揚州劉  
舉人宅內居住已經添差緝拿矣又據薊州  
知州劉繩祖稟稱屢蒙嚴諭遣役四出踪訪  
妖犯王好賢務在必獲今據原差快役翟思  
明陳善學徐桂三人稟帖內稱蒙差往山東  
南直嚴拿王好賢于十一月二十四日至臨  
清下灣住洪啟光家查訪踪跡二十五日稟  
知臨清州吏目李茂時差番快廉次川等眼

同各處嚴拿有洪啟光訪有一起男婦三四  
十人分居三處口稱遼陽逃難將官內有遼  
陽生員李變龍主謀訪係王好賢長子王如  
綸改名陳堯心二十九日好賢先往揚州其  
妻子卽欲南往有牛百戶向陳堯心李變龍  
餞送酒席如綸將青沙馬一匹連鞍屨送牛  
百戶作價二十兩十二月初四日辰時翟思  
明將王如綸捉獲摘定口詞當傳陳善學帶  
領各役將謀士宰治國改名陳詩及李變龍



家人龔先成改名趙自成劉邦傑改名金三  
孫虎和成業俱拿收臨清州寄監將王好賢  
妻安氏王如綸妻闕氏及如綸親子春哥并  
宰治國妻與母俱交付店家召保王好賢改  
名陳王前同妾三口及家人張忠改名趙連  
在揚州劉舉人房內居住至初五日陳善學  
徐桂帶領番快八名以李燮龍爲眼目同往  
揚州緝拿去訖隨該卑州選擇的當快手十  
名秣馬以埃乞給火牌沿途押解前來早正

與刑又據山東兗昌府管馬兼臨清總捕同  
知張萬目山東分守東兗帶管分巡東昌道  
右叅議黃袞稟帖相同該臣選差官夜吳安  
邦等給文前赴臨清行提好賢子王如綸好  
賢嫡孫春哥好賢妻安氏如綸妻闕氏及黨  
惡宰治國等男婦家丁并差材官龔彬宇內  
定王廷對趙體仁張在豐古之珣張其威星  
赴揚州嚴拿王好賢及殺人兇丁張忠等更  
恐妖黨繁多沿途邀截臣復移文山東南直

各撫按道府州縣一體嚴督擒捕仍給發白  
牌着落經過有司軍衛多換兵快挨程防護  
去後天啟四年正月初七日戌時據山東東  
昌府管馬兼臨清總捕同知張萬目稟稱天  
啟四年正月初二日據原差赴楊州捉拿王  
好賢快手劉登第等飛報第等奉差于天啟  
三年十二月十七日到楊州十八日將王好  
賢張忠并妾四口次子小四兒老婦一口李  
氏拏獲被江都縣縣丞聞知率人阻攔假捏

同捕呈解彼處上司以致耽延數日方得起  
行又因王好賢所携之妾不能陸行見今自  
楊州覓舟北上不數日可抵臨清等情查得  
王好賢以蓮妖首惡事敗携帶妻子黨與潛  
踪遠遁業經卑職差快壯同原來差人仰藉  
威靈就擒蓋亦天網之不漏也擬合先行飛  
報等因又據臨清州知州胡繼鈐中據本州  
快壯徐守官廉守智四役稟報蒙差往楊州  
已于十二月十八日同薊州原差陳善學徐

桂等密拿妖犯王好賢今幸就擒清源南北襟喉此輩黨與布滿到日卽當添差押解等因又據臣原差官夜龔彬等稟稱逃犯王好賢先因薊州差人翟思明陳善學徐桂于臨清拿獲本犯男婦供出好賢潛住揚州因同各員役星夜前赴揚州設計將好賢并妾及張忠等一併盡擒不日可到合先稟報等因到臣據此看得北平自王森創立左道遐邇相傳邪道雖多森名獨著森死而祖其說者

旁出橫發好賢以惡孽糾盟煽亂譁衆一聞恒南有妖氛之報抄傳有王三之名家丁宛械咄嗟而具稱戈寧弧殺傷多人倏忽狼奔飄然兔脫其逆謀叛志一朝畢露誠罪不容于死者况陸省妖黨莫不詞連而徐鴻儒于弘志夙推盟主供爲戎首又本犯之確案乎該臣博訪挨查督同薊遵永三道臣所屬有司差役齎文四散編緝務在必獲而薊州道所委薊州知州劉繩祖一稟指畫多方根究

仰仗

皇上天威遂將好賢之子孫妻媳謀士惡黨就獲于清源而本犯及子妾充丁再獲于維揚不煩干戈而陸省禍源兩載不結之局一朝芟薙而消彌之

聖明責成嚴緝之

吉庶可仰副矣惟是好賢妖黨布滿省直而順永尤其窟穴倘從山東南直解至遵化而後論罪則衆証已同不煩徃復第當囚解至

奏照例分別敘錄以示激勸非臣今日所敢瑣陳者也伏候

勅旨施行謹題請

旨

天啟四年正月初八日具題奉

聖旨這擒獲妖首王好賢等便着該地方官嚴行護解來京究問正法窩遁奸犯閻福壽等提問招報岳和聲盡心任事元惡就擒禍本殄滅併緝捕有功員役查明分別敘錄該部知道

東晉書 卷之四

癸卯國公限途給以不燃博非引今日汎近贊

七懇天恩立放病臣疏

七懇

天恩立放病臣以保殘喘以重巖疆事臣自客冬  
患病日深累疏乞

放未蒙

慈允復因臘月邊報戒嚴力疾出塞料理設防而  
寒氣入骨手足痲痺痛楚難堪漸迫膝理日  
甚一日雜投方藥痊可無期復于正月初七  
日謹以危證實情一一疏陳僅從牀蓐之間

百叩拜發伏念

天高聽卑微忱可達今于本月二十二日奉  
聖旨封疆重寄岳和聲任事奏功人言不必介意  
着照舊供職該部知道欽此臣任事閱年徒有  
愚心全無實效日切尸素之耻日懷衾影之  
慙屈指安攘事宜無功可錄有罪難辭荷蒙  
天語諭以任事奏功益深悚懼雖

覆燾之大不遺寸草于晞陽而跼蹐之餘益愧銘  
刀于鈍割恭捧

恩綸倍切疚心且臣當被病之初猶知人言與已  
過相提卽萬分欲自修正止謗時有耿焉矢白  
之心臣當久病之後惟知封疆與性命相對  
倘一息猶濫竽竊祿當有駭焉不存之慮載  
蒙

天語謂人言不必介意夫臣之生平自有本末臣  
之事任衆有耳目又何敢介諸意也而封疆  
重寄微臣以風露之軀當虎豹之關有一刻  
能不介諸意者乎臣雖伏在牀蓐而外而

貢夷沓至內而防兵雜處盜賊之生發不時兵馬之操演孔亟坐是臣病日深臣憂日切倘再遲之旬日而臣病將不可救卽重坐臣以罪其何益于官方殿最之數

國家安危之故乎該臣延醫生劉爾科診視謂臣病各證俱見而醫藥百方難效斷須謝事離任庶得保全殘喘爲此力疾口授具疏仰控伏乞

皇上察臣膏肓之苦已垂四月憐臣犬馬之力已

踰三十三年卽

放臣歸得全骸骨上先人之丘壠猶之

皇仁惟蓋之賜也臣不勝懇惻哀祈之至謹具奏

聞伏候

勅旨

天啓四年正月二十五日具奏奉

聖旨邊事正殷岳和聲調度春防不得連章求去該部知道欽此

護解妖首到京疏

遵

旨護解妖首到

京并招究窩遁奸犯恭候

勅部正法末靖蓮氛事臣於正月初八日題為恭  
報蓮妖巨憝詞連六省擒獲一朝等事奉

聖旨這擒獲妖首王好賢等便着該地方官嚴行  
護解來京究問正法窩遁奸犯閻福壽等提問  
招報岳和聲盡心任事元惡就擒禍本殄滅併



緝捕有功員役查明分別叙錄該部知道欽此  
欽遵該臣隨差旗牌官高繼龍吳進禮李振英  
馳赴山東催押王好賢等并檄行沿途軍衛  
有司多撥兵快挨程防護及行遵化薊州永  
平三道行提閻福壽等究審招報今據臣原  
差千總材官吳安邦王廷對張在豐宇內定  
龔彬張其威趙體仁張登高等同薊州原差  
翟思明陳善學徐桂等并山東撫臣差官孫  
弘謨黑大方鄭祐民李克儉山東按院差官  
掌士習孫光耀東兗道差官孫光先東昌府  
差快手吳騰雲臨清總捕同知張萬目差快  
手劉登第等臨清州差快壯雒回春等聊城  
縣差快手楊繼魁將王好賢安氏賈氏皮氏  
劉氏彭氏王如綸闕氏小四兒春哥小牛兒  
宰治國亢氏孫氏張忠龔先成祁成業孫虎  
經兒小進財李變龍李氏劉三卽劉邦傑張  
截山張二等管解前來遵

旨解

京聽候究問隨據遵化道臣張樸呈詳會同薊州道臣劉復初永平道臣張春問得犯官閻福壽年六十歲係山後人狀供曾祖闔恩于嘉靖三十九年間功陞直隸營州右屯衛世襲指揮僉事祖父繼襲至萬曆九年福壽襲替前職向在薊州居住與先逃今獲王好賢并在官遵化部商馬應泗素相熟識王好賢原籍順天府薊州人伊有別卷問絞後在監自縊父原名石自然改名王森存日皮匠生理移在永平府灤州石佛口生在官長男王好禮次男王好義三男王好賢三人王森于先年間曾路遇妖狐被鷹搏擊口作人言求救王森收抱回家遂斷尾相謝傳下異香妖術後稱爲聞香教主又創白蓮教爲大乘弘通教卽弘封教傳播

畿南山東南直隸河南陝西四川等處遠近嚮附王森遂立大小傳頭會首每會二三千人數多寡不等及已決謀反賊首徐鴻儒于弘

志周志德許應龍與許大國同善友李天祿  
僞太師周印等俱爲徒弟各相羣聚貢納香  
錢置買庄田供奉尊崇信如活佛王好賢納  
級習武不合不守本分糾合邊塞亡命潛充  
家丁至萬曆三十八年九月內謀充遵化標  
下副旗鼓名色聽用後因王森左道事發擬  
絞灤州監候王好賢革退回家至四十七年  
四月內前撫院劉副都御史恐妖術蔓延密  
授署灤州事求平府薛同知勒令自縊身死  
王好賢又不合鍾父邪術自稱彌勒佛主仍  
與徐鴻儒于弘志等互相結連徐鴻儒等按  
季歛錢解赴僞太師周印處轉解王好賢收  
用王好賢却又不合見教法廣行陞許應龍  
爲會頭篆刻葭州知州許關防記一顆給與  
許應龍父許大國收掌王好賢又有別卷擬  
斬大徒弟王福號福王魏汝平號平王在寶  
坻地方密蓋經房數十處號召鄉民夜聚曉  
散將山東卽墨縣發來經卷并妄造妖言來

子解與衆人密講內有妖書二本并道曲風  
入松一剪梅等中有黑暗乾坤日日不明等  
語又有南瞻部洲一郡好賢民鑰匙佛出在  
郡中北直隸有他家門邑奠城中爲名姓所  
生下弟兄三人暗藏王好賢姓名住址弟兄  
字樣遍傳各處捧誦皈依于天啓二年九月  
內蒙先任密雲道今陞遵化道張按察使據  
寶坻周知縣申報通詳撫按批允將王福魏  
汝平擬斬在卷先前王好賢于萬曆四十八

年投前任永平道袁按察使聽用劄授千總  
委募家丁又不合私揀能幹好漢如先逃今  
獲原充山海關孫總兵標下紅旗千總張忠  
王進忠并永平監故張天福卽張添福未及  
獲高天祿王寶馬二張三卽張廣魏四與逃  
散失記姓名多人自己收用又有見獲宰定  
宇卽宰治國藏匿伊家倚爲謀主凡事聽其  
裁決後袁兵備陞遼東經畧王好賢隨任委  
買馬騾運送關外表經畧被難復投兵部委

用打造軍器乘偽太師周印等解銀前來王好賢又不合因歸附人衆漸生逆謀將遼陽失陷內地空虛情形暗與周印等密約各省傳頭俱于天啓二年八月中十方同起王好賢遂托病回家收拾間比徐鴻儒因他事相激先期倡亂于弘志相繼叛逆隨蒙山東保定等處撫按發兵擒獲徐鴻儒于弘治等俱供有石門鎮王三又有吾與王氏父子經營天下二十餘年再遲數日吾當橫行天下等語復蒙保定張撫院將王三開述疏內具題邸報抄傳復有書扎移會順天李撫院轉行永平府及山海表兵備密查間該永平府陞任藥知府查得王森監斃已久王好賢先爲袁道募兵今因病歸查無他跡回復訖至本年八月十九日永平岳兵備接見邸報查問該府回報與前相同彼時地方僉未有人告發左道亦未奉有撫按明文坐名捕緝恐百姓震驚激成他變于次早二十日兵營各官

謁見蒙問王三住居遠近有在官未平衛千  
戶孫繼先稟稱王森男王好賢排行第三鄰  
近熟識見今患病在家當蒙本道差孫繼先  
傳喚王好賢并偵探有無在家消息孫繼先  
隨帶家丁四人至王好賢家比王好賢風聞  
保定消息行府州查訪畏罪思逃商同宰治  
國哄騙孫繼先你且先回我明日早去孫繼  
先亦不合依從徑自回家以致王好賢于次  
二十一日五更時候帶領家丁張忠宰治國

王進忠已故張添福并未獲張廣張增福高  
天祿王寶馬二魏四及王好賢見獲妻安氏  
妾賈氏皮氏劉氏彭氏男王如綸男媳闕氏  
次男小四兒長孫小春哥宰治國母亢氏妻  
孫氏小牛兒經兒小進財老婦李氏一夥四  
十餘各口各執弓刀器械騎坐騾馬分投逃  
走比有先存今被王好賢喝令張忠射死堂  
弟王天佑并家人龔瞎子李黑子牌頭吳木  
匠及伊兄王好義一齊上前攔阻王好賢喚

怒又不合喝令張忠亦不合聽從將王天佑射訖一箭當時身死王好義上前拔箭張忠等又不合將王好義右胳膊右肋連射二箭當時暈倒在地又將龔瞎子李黑子吳木匠各射一箭俱死又有不知姓名家人不肯隨行張忠又不合指示王好賢亦又不合用鎗刺死衆皆畏避王如綸亦不合不行勸阻一同走脫比王好禮王好義各亦不合知情不行預期舉首次早二十一日孫繼先將王好

賢因州官差人捉拿懼逃止拘獲伊兄王好禮王好義緣繇報道當蒙本道一面呈報各院一面牌行府州嚴訊挨捕并將孫繼先監比至本月二十四日有未到官榆林人李汝傑訪知王好賢等謀叛情繇首稟總督衙門于二十五日各行前撫院于二十七日通行各道轉行州縣嚴拿間有今不在官王添增盡將好賢細作姓名稟首永平道當給牌着王添增引拿一十細作監固王好賢前到豐

臺地方恐人衆難行將家眷分開一半令高天祿等伴送下船向南去訖王進忠不肯跟隨乘天色黑暗悄悄地回家仍往永平府復姓李進忠投充快手王好賢止帶妻妾子媳等人并宰治國張忠張天福馬二張三魏四前到遵化縣地方上庄屯自己房內潛住伊在官看房人楊自成知情不合隱藏王好賢恐伊走露消息與銀五兩醬色紬二疋楊自成又不合在法接受訖至九月初一日楊自成

又不合將王好賢等送至遵化商人馬應泗家比伊亦不合故違知情故縱隱藏者律絞將伊家眷窩藏在家馬應泗在官男馬之陞係標下荅應官亦不合任父隱縱至本月初三日楊自成將自己家小伴同王好賢家眷遁送福壽家藏躲福壽亦不合容留藏匿自己廂房內約住六日王好賢送福壽銀三兩藍紗一疋福壽又不合接受入已訖有薊州道在官快手張黑子卽井靠山等見福壽家



騾馬出入形跡可疑要得躡拿福壽知風當  
借馬應泗騾二頭將王好賢妻妾送至通州  
牛市後轉遞在京前門外向與馬應泗交好  
娼婦幽蘭家窩藏後王好賢又投託在京不  
知名勢豪門下潛住數日隨有善友李天祿  
等接引前往葭州比葭州妖犯事發李天祿  
將會銀二十兩送王好賢令往腹裏藏躲比  
宰治國又不合王謀轉至臨清州下灣地方  
將家眷分爲三處居住有遼東逃難見獲生  
員李變龍亦不合不查來歷與同往來王好  
賢假充遼東逃難將官改名陳王前王如綸  
改名陳堯心宰治國改名陳詩家丁張忠改  
名趙連李變龍見獲家人龔先成改名趙自  
成別部傑改名金三并不改名孫虎祁成業  
一窩潛住比楊自成家小先在福壽家被井  
靠山等獲送薊州查問間楊自成又不合將  
遞送王好賢實跡隱不供報致本州前任鄭  
知州具繇申解薊州前任閔其備批行遵化

縣顧知縣審明保候俱楊自成家在官禿小  
厮并馬應泗楊自成王進忠等親口供證本  
年九月內該永平道將原與王好賢同迺先  
存今故家丁張添福拿獲監保候聽審又將張  
添福今不在官妻康氏妾施氏男婦陳氏卽  
張廣妻侄婦賈氏卽張增福妻發灤州保候  
至本年十二月內前撫院因王好賢遠逃未  
獲地方平靖隨將妖黨相繼撲滅餘孽畏罪  
遠避等事具

題該兵部看得王好賢踵父行邪閃身觀變一  
朝事發黨與百餘人不期遽集器械馬匹舟  
船行李咄嗟而具至于探報羽翼接應跟隨  
如素所布置者此未可作一混跡之頑民觀  
也王好賢張忠張添福張增福張廣等  
勅令各處撫臣勒限擒獲緣繇覆

俞旨行間永平岳兵備推陞順天撫院一面通行  
所屬各道府州縣差人勒限嚴捕一面通行  
查訪仍移文各省直撫按有司協同擒拿至

天啓三年五月內張添福在監兩故隨蒙本院訪得王好賢先日曾迺至遵化被楊自成馬應泗與福壽窩逃遠迺牌仰遵化薊州二道密拿福壽與楊自成馬應泗等又將馬之陞發縣監候該薊州道轉行薊州將福壽拿獲又該遵化道轉行薊鎮管餉廳并遵化縣將楊自成馬應泗等拿獲備行遵化縣陳知縣會同薊州劉知州摘密福壽等口詞申詳又蒙本院牌行遵化薊州永平三道通提福壽楊自成馬應泗馬之陞并孫繼先王好禮王好義井靠山等審明詳解該三道轉行管餉楊推官會同陳知縣將福壽等再三隔別研審藏匿遞送前情是的看得閻福壽職叨武弁豈宜玩法藏奸賄昵妖邪竟爾開門延賊六日之容留旣真一絞之典刑難逭馬應泗以積猾邊商甘爲賊藪且借牲畜運妻孥法不容誅楊自成以克僕居守陰爲遁息且受銀紬資伴送情尤難逭此二犯者均應議

絞以知情藏匿同科者也孫繼先奉委疎虞  
 執事之恪何在馬之陞縱父容賊幹蠱之義  
 謂何王好禮王好義既已同室操戈應知罪  
 有差等以上四犯各暫擬徒俟捕緝有功之  
 日再行酌議崔守魯蕭進忠李香無干釋放  
 王進忠姑免重擬應與井靠山給批嚴緝具  
 繇連人申解遵勸求三道覆審無異看得王  
 好賢以邪教餘孽包藏禍心乘二東之煽亂  
 思望風而潛投招納亡命廣置舟車自知聲  
 勢昭彰遂挈妻孥遠遁踪跡詭秘莫可方物  
 問居停則遵化薊州京城皆其盤據之所彼  
 狡兔之窟何止于三問黨與則閻福壽馬應  
 泗楊自成皆其羽翼之流是不彊之蟲足殆  
 有百繇是而東西南北任其所之子姓錙財  
 捲家而去咫尺

郊圻之近乃有逆民如此信不容一日遁于誅  
 戮矣最可恨者閻福壽以純弁世職甘作逋  
 逃之主妻妾隨身廂房托宿銀紗入手結束

登程人驟誰爲伴送馬應泗實沿途迭頓之  
人到處防護多方楊自成又其留後紀綱之  
僕自禿小廝一盤托出三犯雖喙長三尺其  
能飾辯于此無知之黃口乎至于孫繼先奉  
差不密致出柙以何嗟馬之陛順父逆奸將  
墮巢之可鑒王好禮王好義不能出首于先  
事直至發覺而始鳴卽其堵追被創于情似  
有可原而養患何居在法均難寬貸各應如  
律究擬用遏亂萌除閹福壽馬應泗楊自成  
係重罪監固外合將馬之陛取的當保結責  
令與閹福壽親另勒限嚴拿務在必獲庶罪  
人得而

國法從此少伸亂本拔而重地可望安枕矣具  
繇將福壽等呈解本院蒙本院公同遵薊永  
三道及楊推官陳知縣當堂覆審福壽等所  
供與前無異隨將福壽等羈候復嚴行三道  
并薊州及管餉廳遵化縣各選差番快各賚  
本院咨案及護身批牌分投前赴保定山東

河南南直隸等處多方挨緝至十一月二十四日薊州差役翟思明陳善學徐桂等前至臨清州歇家洪啓光家查訪踪跡二十五日稟知該州吏目李茂實差番快廉守智等公同緝拿訪知王好賢有男婦三四十人分居三處風聞薊鎮差人訪拿又欲搬移別處王好賢先帶三妾并次男小四兒同張忠等前往楊州王如綸等亦欲南行有未到官牛百戶與王如綸父子往來交好王如綸將青沙馬一匹連鞍轡送與牛百戶作價二十兩各番快躡緝的實隨向牛百戶說要同拿牛百戶回稱今備酒與他餞行待來赴席你們下手不期王如綸不來牛百戶仍往王如綸家作別王如綸相送出門被薊州快手翟思明等拉住問說王相公我那處不獲你原來在此你父親今改甚名姓見在何處王如綸色變方將各人改名并王好賢等先往楊州劉舉人房內居住各情供吐當將王如綸并伊

母安氏妻闕氏男春哥與宰治國及伊母元氏妻孫氏李變龍龔先成劉邦傑孫虎祁成業小牛兒經兒小進財俱擒獲送臨清州寄監揆出王如綸隨帶皮箱二隻該東昌府總捕張同知驗明封寄在庫有張截山張二時常與王如綸等傳寄消息該臨清州併拿收監翟思明馳稟薊州道并薊州劉知州各飛稟本院東昌府總捕張同知東昌道黃叅議亦各差人稟報本院蒙本院差千總材官吳

安邦王廷對張在豐字內定龔彬張其威趙體仁張登高等齎文馳赴楊州捉拿間薊州等各衙門原差番快陳善學等先以李變龍作眼徑到泗州稟知崔按院蒙給與公文馬票于拾八日早到楊州府有張同知并臨清州差人相繼俱至陳善學等雇船二隻停泊王好賢住房門首候至辰時見張忠出來河邊站立多時不敢遽拿張忠復進至午時同王好賢出門走到穿心店說話各番快方將

王好賢并張忠擒獲有揚州府快手陳梅泉等聚衆千餘前來劫奪見有按院公文馬票隨卽散去併將王好賢妾四口次男小四兒老婦李氏拿獲報知本院東昌府張同知臨清州胡知州亦各差人稟報隨該本院將拿獲王好賢等并福壽等窩逃情繇具疏題

請奉有

明旨一百差官迎護王好賢等一百轉行遵蘄求三道提審福壽等又蒙本院于三道前詳內

批妖犯王好賢詞連山東

畿南中州秦蜀各妖勾結六省而大傅頭徐鴻儒于弘志等皆身爲弟子尊稱師傅釀金則曰解送糾聚則曰伍會推重則曰三王安擬則曰彌勒篆刻則曰關防假托則曰天書總歸于聞香一教至于弘志等有密約十方同起之供徐鴻儒就擒有法門弟子數踰二百萬之嘆而曰吾與王氏父子經營天下二十餘年稍遲數日且橫行宇內無敢撓吾鋒者



等語如各省章疏指斥王三種種矯虔在在蠢動匹夫之伎倆無方陸地之耳目頓易坐以返逆之律誠不須對問而衆證明白卽同獄成者矣向以來平境內妖森久已伏辜惡孽尚爾匿跡一時在事者亦以危塞孔棘不敢無故株連而好賢乃不自悔禍乘兄族鄰黨之邀勸躍馬張弓擁衆傷人而遁逆狀始彰羣謀僉合馬應泗父子之窩遁于薊州閭福壽楊自成之窩遁于

京師居停俱有主人來去確有時日驚伏經年莫可踪跡遂使中外叱爲隱憂幸而天網不漏一獲其子孫妻媳謀主于臨清而本犯及四妾幼男兇丁再獲于楊州旬日之間醜類俱盡業經具疏請

旨送部究審立正刑章而據招閩福壽馬應泗楊自成等與臨清所獲謀主李變龍牛百戶總屬一事相應解鞫疎縱孫繼先受賄重情尚爾含糊知情馬之陞同父庇奸猶敢肆辯同

產王好禮王好義事後雖曾邀阻事前何不  
舉首有無濟惡槩難輕擬其逆犯妻妾子媳  
應聽

廷讞照律給付功臣之家爲奴而入官財產隸  
在永平及薊遼兩道者尚未逐一勾檢造冊  
報明祖孫兄弟不限籍之同異律應流置者  
應坐幾人詳內尚未叅入碍難達部仰遵化  
道會同薊永二道嚴行覆勘限十日內確審  
解詳以憑具

奏咨部類結繳該遵化等三道轉行遵化縣會  
同管餉廳薊州研審間又蒙本院憲牌據東  
昌府張同知呈稱楊州獲到王好賢等蒙本  
省撫按兩院差官提審俟赴省北解又據薊  
州劉知州申報擒獲蓮妖王好賢首功快役  
八名內臨清楊州密計布置當先下手陳善  
學翟思明徐桂三名蒙憲諭各給千總職銜  
者又南直山東跟捉撒訪探信偵報劉汝騰  
傅瑞路應勛孟世平張鳳信王全戶應恩賞